



Svunal takel ta ik'el xchi'uk ya'iejal ti tsalbaile

Li *Instituto Mexicano de la Propiedad Industrial* (IMPI) ta stak ta ik'el kerem tsebetik ti li' vok'emik ta Mejiko ja' k'uxi x-ochik ta tsalbail ta “*Jugando; inventamos y creamos*”, ti yu'un ja' tey ta xak'ik ta ilel ti k'usitik oy ach'ik snopbenal, k'usitik sna'ik spasel ta stojolal ti p'ijilal abteletike, ti k'usitik ach'ik ta xich' tunesel ta chinabtak'inetike, ta skoj ti yich'el ta muk' osil banomil xchi'uk ti k'usitik abtelal stak' xich' pasel ta snopben ti chinabtak'inetike.

BU K'ALAL STAOJ TA MAKEL XCHI'UK JAYTOS

Stak' x-ochik ta tsalbail ti kerem tsebetik ti li' vok'emik ta Mejiko ta chantos:

1. Slok'tael sbonel ta jlik vun spasel junuk *marca*.
2. Ts'ibabil bik'it lo'il a'iej o mi junuk ts'ibabil a'iej sventa *cine*.
3. A'iej ti ja' stak' tunesel ta junuk tajimol ta chinabtak'inetik.
4. K'ejimol.

SK'AK'ALIL K'USITIK TSOTSIK SK'OPLAL

- Sk'ak'alil ta xich' ich'el ti abteletike: ja' k'alaluk ta xich' jamel ti takel ta ik'el li'e ta 10 yual diciembre sja'vilal 2025 ta Muk'ta steklumal Mejiko.
- Smakel: 27 yual febrero sja'vilal 2026 ta 23:59: ora, (yorail Muk'ta steklumal Mejiko)
- Yak'el ta ojtikinel buch'utik kuch yu'un: yual Marzo ta sja'vilal 2026 ta www.gob.mx/impi
- Yak'el matanal: yual Marzo ta sja'vilal 2026, ta Muk'ta steklumal Mejiko

YA'IEJALTAK K'USITIK YELAN SK'AN

Sk'an li' likemik ta Mejiko, oyuk 6 ta 12 ja'vil, abtelal ti mu'yuk bu lok'tabile, ta xich' takel batel ta chinabtak'in (PDF, Word o PNG). Sk'an me xich' tsakel sbi ti buch'u ta





x-och ta tsalbaile xchi'uk sbi stot o mi sme', ta xich' takel batel svun ti ja' tunem ta svinajebtasobile, *acta de nacimiento* xchi'uk sk'an nojesel ti vun sbi *Anexo 2*. Li chinabtakine ta xak' jun *folio oficial* mi la yich' takel batel ti abtelale.

K'USI YA'IEJAL TI TSALBAILE

Skotol ti abtelal ta x-och ta tsalbaile ja' sk'an nopel k'ucha'al li'e "K'uxi ta lekubtasel ti jlumale", ja' k'usitik p'ijilal abteletik stak' pasel xchi'uk ti k'usitik ach'ik stak' tunesel ta chinabtak'inetike, yich'el ta muk' osil banomil xchi'uk ti k'usitik abtelal ta xich' pasel ta snopben ti chinabtak'inetike.

YA'IEJAL K'USI SK'AN TA JUJUTOS

1. Lok'olal: jlik vun ti smuk'ule karta, k'usuk no'ox yelan pasbil, sbi xchi'uk slok'ol ti k'usi abtelal pasbile, ya'iejal 100 ta p'el k'opetik.
2. Ts'ibabil bik'it lo'il a'iej o mi junuk ts'ibabil a'iej sventa *cine*: 1–2 kuartiya, mi toj epe 1000 ta p'el k'op, lekuk stak' k'elel.
3. A'iej ti ja' stak' tunesel ta junuk tajimol ta chinabtak'inetik: mi toj epe 2 kuartiya, ta xich' ts'ibael ya'iejal, buch'utik ti te oyik ta a'ieje, k'usi stu, k'usitik yelanil ta xich' abtelanel.
4. K'ejimol: 1 kuartiya, sk'ejimolal ts'ibabil, *audio/video* xu' k'usuk jtosukal(máx. 3 minuto).

ST'UJEL ABTELAL

K'usi ta xich' ich'el ta muk': mi stuk no'ox jech, mi ach' ya'iejal, mi ta xtun ta stojolal vinik antsetik o ta xtun ta stojolal ti osil banomile, mi ja' nopbil ta melel yu'un ti buch'u la spase, mi lek jamal ya'iejal. K'usi k'ot ta nopel yu'un ti komitee ja' ta xich' ch'unel.

MATANALETIK (12 matanal ta stokol, 3 ta jujutos)

-\$16,600.00 MXN

-Ta xich' pukbel ya'iejal

- Ta xich' ak'el vun ti och ta tsalbaile





Economía
Secretaría de Economía



IMPI
INSTITUTO MEXICANO
DE LA PROPIEDAD
INDUSTRIAL



YA'IEJALTAK

Li IMPI stak' spukbe ta moton ya'iejal ti abtelaletike, ta stsak ta muk' ti buch'u spasoje. Buch'u och ta tsalbaile ja' ta xch'un ti k'u yelan ya'iejal li'e. Mi oy k'usi ch'abal xich' albel ya'iejal li'e ja' ta xchapan ti komitee.

BU STAK' XA JAK' A'IEJ

concursoninasyninos@impi.gob.mx

Tel. 55 5624 0400 (ext. 11425, 11409, 11411, 11410)



2025
Año de
La Mujer
Indígena